





# Акафист

## святomu праведному воину

### Феодору Ушакову

---

#### Кондак 1

Избранному подвижнику земли нашей, дела доблестными во славу Божию достойне потрудившемуся, святomu праведному воину Феодору похвальное приносим пение. Ты же, угодниче Божий, яко имеяй велие дерзновение ко Господу, от всяких нас бед свободи, зовущих:

Радуйся, святой праведный Феодоре, славный в добродетелех воине Христов.

#### Икос 1

Ангели и боголюбивии людие днесь Христу Богу благодарение и славословие приносят, яви бо ты, праведне воине Феодоре, славнаго покровителя и защитителя Отечеству нашему. Мы же, видяще ты предстояща Престолу Божию и милости нам у Господа просяща, со умилением сердечным воспеваем:

Ра́дуйся, ро́да благо́честиваго ро́ждение;  
ра́дуйся, земли́ Яросла́вския мно́гопло́дное  
прозябе́ние.

Ра́дуйся, А́нгела Храни́теля твоего́  
непреста́нно возвеселя́вый; ра́дуйся, роди́тели и  
наста́вники твоя́ крото́стию и усер́дием  
удивля́вый.

Ра́дуйся, моли́твами свята́го сродника твоего́  
в духо́вней бра́ни побежда́ти научи́выйся;  
ра́дуйся, в зако́не Госпо́дни непреста́нно  
поуча́выйся.

Ра́дуйся, ду́х ми́рен в души́ твоей стяжа́вый;  
ра́дуйся, си́лою Креста́ Госпо́дня вся́ враги́  
побежда́вый.

Ра́дуйся, любо́вь Христо́ву в се́рдце твоём  
носи́вый; ра́дуйся, сла́дкою то́ю любо́вию ду́шу  
твою́ услади́вый.

Ра́дуйся, тезоимённому тебе́ Стратилату в  
иску́стве воево́дством уподо́бивыйся; ра́дуйся,  
тезоимённому тебе́ Ти́рону в ревновáнии о Бо́зе  
подража́вый.

Ра́дуйся, святы́й пра́ведный Феодо́ре,  
сла́вный в добродете́лех во́ине Христо́в.

## Кондак 2

Ви́дьяй Го́сподь чистоту́ се́рдца твоего́,  
преизобильно дарова́ тебе́, Феодо́ре пресла́вне,  
благода́ть Свою́, да то́ю укрепля́емый, жити́е  
твоё поживе́ши во благо́чести, прославля́я  
Творца́ твоего́ пёсню: Аллилу́иа.

## И́кос 2

Ра́зум Божество́нный просвети́ и укрепи́ тя,  
пра́ведне и достохва́льне Феодо́ре, егда́ учёние  
кни́жное со усёрдием познава́л еси́ и ве́лие  
прилежа́ние к сему́ имёл еси́. Егда́ же чи́ном  
воинским почтён бы́л еси́, обеща́ние пред  
Всемо́гущим Бо́гом, святы́м Ева́нгелием Его́ и  
Кресто́м принёс еси́: ве́рно и нелицеме́рно  
Оте́честву служи́ти. Сего́ ра́ди приими́ от нас  
похва́лы сия́:

Ра́дуйся, па́че всего́ в ми́ре се́м Го́спода  
возлюби́вый; ра́дуйся, от ле́т млады́х чистоту́  
жити́я сохрани́вый.

Ра́дуйся, ко прему́дрости кни́жней усёрдие от  
ю́ности имевый; ра́дуйся, пра́здность и су́ету  
ми́ра сего́ презре́вый.

Ра́дуйся, зако́н Го́сподень приле́жно  
изучи́вый; ра́дуйся, целому́дрия сокрови́ще  
драго́е сохрани́вый.

Ра́дуйся, в стра́се Бо́жием до́бре наста́вление получи́вый; ра́дуйся, в жити́и твоём до́бродётели вы́сокия возрасти́вый.

Ра́дуйся, ду́шу свою́ всеце́ло ко Го́споду устреми́вый; ра́дуйся, друго́м твоём приме́р прилежа́ния бы́вый.

Ра́дуйся, христиа́нского благоче́стия неуста́нный блюсти́телю; ра́дуйся, ми́лости и по́мощи нужда́ющимся пода́телю.

Ра́дуйся, святы́й пра́ведный Фео́доре, сла́вный в до́бродётелях во́ине Христо́в.

### **Конда́к 3**

Си́лою Бо́жиею укрепля́емь, все́ жити́е твоё в пра́ведности проводи́л еси́, сла́вне во́ине Фео́доре, и, не щадя́ живота́ своего́, зе́млю на́шу от супоста́т защища́л еси́, Творцу́ же твоemú, в ра́тных де́лах вспомо́ществу́юще ти́, воспева́л еси́ благода́рно: Аллилу́иа.

### **И́кос 3**

Име́яй в се́рдце своём ве́ру твёрдую во Христа́ Иису́са и си́лою тоя́ воору́живыйся, на моря́х Балти́йском и Азо́вском служе́ние твоё ра́тное проводи́л еси́. Помози́ и на́м в ве́ре крѣпцей подража́ти тебе́, уго́днице Бо́жий Фео́доре, да не

поги́бнем в пучи́не беззако́ний на́ших, оба́че ра́достно да зове́м ти́:

Ра́дуйся, Ева́нгелия Христо́ва до́брый послу́шателю; ра́дуйся, за́поведей Иису́совых усерд́ный исполните́лю.

Ра́дуйся, Бо́гу жити́ем твои́м соверше́нно угоди́вый; ра́дуйся, стра́сти в души́ твоёй победи́вый.

Ра́дуйся, Ду́ха Свята́го жили́ще, преукраше́нное чистото́ю; ра́дуйся, Бо́жия благода́ти приятели́ще, сия́ющее добродете́лей красо́тою.

Ра́дуйся, Ца́рствия Го́рняго ре́вностный иска́телю; ра́дуйся, ро́ду христиа́нскому бла́г Небе́сных ходата́ю.

Ра́дуйся, Ду́хом Святы́м насыще́нный и просвеще́нный; ра́дуйся, собла́зны ми́ра сего́ суетнаго не прельще́нный.

Ра́дуйся, измла́да Го́спода все́ю душе́ю возлюб́ивый; ра́дуйся, в за́поведех Бо́жиих неукло́нно ходи́вый.

Ра́дуйся, святы́й пра́ведный Феодо́ре, сла́вный в добродете́лех во́ине Христо́в.

## Кондак 4

Бури бѣд и искушеній не страшилсѧ еси, святе Феодоре, егда прибыв в богоспасаемый град Херсон, службу твою совершал еси; Господь же укрепляше тя, да труды твоими край Херсонский прославиши, воспевая: Аллилуиа.

## Икос 4

Слышаще и видяще вси людие града Херсона, яко моровым поветрием град их одержимъ бысть, на Единого Господа все упование возложиша. Ты же, праведне Феодоре, свыше Господем вразумленный, вверенныя ти воины от тяжкия болезни огради еси. Темже и мы усердно к тебе прибегающе, смиренно молим: управи нас предстательством твоим к тихому и мирному житию и сподоби насладитися нетленныя радости вопиющия ти:

Радуйся, ближним твоим благодетелю милостивый; радуйся, за дивное милосердие твое Господем хранимый.

Радуйся, изнемогающих внезапно укрепление; радуйся, унывающим благодатное ободрение.

Ра́дуйся, бли́жняго своего́ яко себе́ возлюбивый; ра́дуйся, меньшей брата́и твоёй яко Христу́ послужи́вый.

Ра́дуйся, скорбящих бла́гий утешителю; ра́дуйся, бла́г вѣчных нам от Го́спода пода́телю.

Ра́дуйся, ризу душе́вную чистото́ю убели́вый; ра́дуйся, ратными по́двиги твоими́ все́х удиви́вый.

Ра́дуйся, милостию и сострада́нием ду́шу твою́ напо́лнивый; ра́дуйся, служа́щих с тобо́ю на пу́ть благоче́стия напра́вивый.

Ра́дуйся, святы́й пра́ведный Феодо́ре, сла́вный в добродете́лех во́ине Христо́в.

### **Конда́к 5**

Богото́чный исто́чник дарова́ний духо́вных яви́лся еси́, боголюбиве Феодо́ре, и за вели́кия по́двиги твоя́ са́ны во́инскими почте́н бы́л еси́. Оба́че ве́мы, яко не по́чести челове́ков, но мзды́ Го́спода твоего́ жа́ждал еси́, благода́рно к Нему́ зыва́я: Аллилу́иа.

### **И́кос 5**

Ви́дев, яко в защи́ении люде́й правосла́вных не довлéет наде́яться на си́лы челове́ческия, все́ упова́ние твоё возложи́л еси́ на Го́спода,

Фео́доре, в моли́тве по́мощи у Него́ и му́дрости  
прося́. Сего́ ра́ди, мы́сленно созерца́я тя горе́ и  
ны́не за ны́ моля́щагося, возсыла́ем ти́ пѣние  
сие́:

Ра́дуйся, в терпѣнии мно́зем па́че иных  
преуспе́вый; ра́дуйся, за́поведи Госпо́дни в  
се́рдце своемъ ве́рно храни́вый.

Ра́дуйся, приле́жно во сла́ву Бо́жию  
подвиза́выйся; ра́дуйся, во бла́го людей  
правосла́вных сла́вно потруди́выйся.

Ра́дуйся, к Бо́гу и бли́жним вели́кия любве́  
горѣние; ра́дуйся, Це́ркве Христо́вы благодáтное  
удобрѣние.

Ра́дуйся, плоть свою́ ду́хови всеце́ло  
покорив́ый; ра́дуйся, плоды́ духо́вныя ми́ру  
преизобильно явив́ый.

Ра́дуйся, обетова́ний Иису́совых досто́йный  
насле́дниче; ра́дуйся, А́нгелом и святы́м  
предив́ный собесѣдниче.

Ра́дуйся, гнѣв на бли́жняго твоего́ до конца́ в  
себе́ умертвив́ый; ра́дуйся, уста́ своя́ от клеветы́  
и неправды оградив́ый.

Ра́дуйся, святы́й пра́ведный Фео́доре,  
сла́вный в добродѣ́телех во́ине Христо́в.

## Кондак 6

Проповѣдник вѣры Христо́вы и благоче́стия христи́анскаго не сло́вом то́чию, но и дѣлом яви́лся еси́, богому́дре Феодо́ре, яко о́тецъ благи́й бы́вый ввѣренны́м ти лю́дем, о́бразъ имъ жити́я по за́поведемъ Христо́вымъ подава́яй. Моли́ся у́бо, да и мы́, в житѣ́йшемъ мо́ри су́щии, к ти́хому пристáнищу, Го́споду на́шему, притеце́м, во умилéнии зову́ще: Аллилу́иа.

## И́кос 6

Возсия́ в тебѣ́ обильно́ благода́ть Бо́жия, пра́ведне Феодо́ре, егда́ ввѣрено́ ти бы́сть управле́ние флóтомъ Черномо́рскимъ, да сверши́ши по́мощию отъ Вы́шняго е́же челове́комъ невозмо́жно бѣ. Таковóму о тебѣ́ Бо́жию промышле́нию раду́ющеся, зове́м:

Ра́дуйся, добродѣ́тельми твоими́ Небѣ́сныя да́ры уллучи́вый; ра́дуйся, воспомина́ниемъ страда́ний Христо́выхъ ско́рби твое́й усладив́ый.

Ра́дуйся, терпе́ниемъ твоимъ мно́гимъ святы́мъ уго́дникомъ уподо́бивыйся; ра́дуйся, предъ А́нгелы пресвѣ́тлыми не посрамив́ыйся.

Ра́дуйся, всего́ себѣ́ в во́лю Бо́жию безро́потно преда́вый; ра́дуйся, болѣ́знями твоими́ здравие́ души́ твое́й стяжав́ый.

Ра́дуйся, за дру́ги своя́ ду́шу полага́вый;  
ра́дуйся, со все́ми в ми́ре пребыва́ти жела́вый.

Ра́дуйся, до́брыми де́лы Бо́га прославля́й;  
ра́дуйся, зе́млю на́шу от враго́в охраня́й.

Ра́дуйся, дивный о́браз любве́ Отца́ Небе́снаго  
в себе́ яви́вый; ра́дуйся, братолю́бием  
христиа́нским до́льний ми́р удиви́вый.

Ра́дуйся, святы́й пра́ведный Фео́доре,  
сла́вный в добродете́лех во́ине Христо́в.

### **Конда́к 7**

Хотя́й Человеколю́бец Госпо́дь защити́ти страну́  
на́шу от наше́ствия ага́рянскаго, вдохнови́ тя,  
сла́вне Фео́доре, на вели́кия по́двиги, ко́ими  
туре́цкий фло́т низложе́н бы́сть и лю́дем  
правосла́вным ми́рное жи́тельство дарова́но  
бы́сть. Да́ждь у́бо и на́м благо́е утеше́ние в  
ми́рном житии́ от Го́спода прия́ти, Ему́же  
а́нгельскую пе́снь прино́сим: Аллилу́иа.

### **И́кос 7**

Но́выя тала́нты приобрёл еси́, святы́й во́ине  
Фео́доре, егда́ несомне́нным упова́нием на  
по́мощь Бо́жию вся́ враги́ побежда́л еси́. Те́мже  
и на́с, моли́твами твои́ми враги́ невидимы́я

побеждающих, в Горния обители приведи,  
восхваляющих тя:

Радуйся, высотой подвигов твоих Ангелы  
удививый; радуйся, крепостью произволения  
твоего демоны посрамивый.

Радуйся, мужество велие во всех творимых  
бранех показавый; радуйся, венец победы  
достойно восприимый.

Радуйся, во умении флотоводчеством изрядно  
преуспевый; радуйся, во славу Божию и на благо  
народа сие употребивый.

Радуйся, христианского рода велие и славное  
возвышение; радуйся, горняго мира пресветлое  
радование и украшение.

Радуйся, за враги твоя с любовью моливыйся;  
радуйся, прощати всех у Христа научивыйся.

Радуйся, образ вернаго служения Господеви  
показавый; радуйся, дивное отвержение себе,  
спасения ради ближних, проявивый.

Радуйся, святой праведный Феодоре,  
славный в добродетелех воине Христов.

### **Кондак 8**

Странное и преславное чудо совершися, егда ты,  
достоблаженне Феодоре, велию святыню —

мо́щи уго́дника Бо́жия Спиридо́на Тримифу́нтскаго, на о́строве Керки́ре пребыва́ющия, от лю́тых супоста́т свободи́л еси́ и в де́нь Святы́я Па́схи со сла́вою мно́гою на ра́менах твои́х пренесе́ние их сверши́л еси́. Те́мже моли́ся за ны́, да изба́влени бу́дем от вра́г ви́димых и неви́димых и да возгори́тся в сердца́х на́ших о́гнь любве́ ко Влады́це Христу́, во е́же пе́ти Ему́: Аллилу́иа.

### **И́кос 8**

Всего́ себе́ во́ли Бо́жией преда́в, служе́ние ра́тное сверша́л еси́, пра́ведне Феодо́ре. Мы́ же, зря́ще си́е, со умиле́нием поём ти́:

Ра́дуйся, Христа́ Бо́га я́ко Хле́ба Жи́зни взалка́вый; ра́дуйся, Те́м ду́шу твою́ неизме́нно пита́вый.

Ра́дуйся, Пречи́стыя Кро́ве Его́ я́ко и́стиннаго пития́ приобща́выйся; ра́дуйся, ко пресла́вным пра́ведником приложивы́йся.

Ра́дуйся, за усер́дие твоё мзду́ от Вы́шняго восприе́мый; ра́дуйся, И́мя Его́ на землі́ жити́ем свои́м просла́вивый.

Ра́дуйся, Царя́ царей́ Христа́ Го́спода служи́телю; ра́дуйся, чи́стых се́рдцем смире́нный и му́дрый учи́телю.

Ра́дуйся, тала́нт во́инский, я́ко ве́лий да́р Бо́жий, прие́мый; ра́дуйся, повино́ватися во́ли Госпо́дней все́х науча́вый.

Ра́дуйся, Оте́честву на́шему неустраши́мый защи́тнице; ра́дуйся, Правосла́вия ре́вностный пропове́днице.

Ра́дуйся, святы́й пра́ведный Фео́доре, сла́вный в добродете́лех во́ине Христо́в.

### **Конда́к 9**

Вси́ лю́дие е́ллинстии, свобо́ду от злоко́зненных вра́г тобо́ю получи́вшии, достосла́вне Фео́доре, благода́рни тебе́ за си́е бы́ша, отце́м своимъ тя́ велича́юще. Ты́ же, за вся́ сия́ Бо́га благодарил еси́, я́ко дарова́ ти́ си́лу и му́жество, да послужиши не то́кмо своему́, но и ины́м язы́ком правосла́вным, да вси́ пою́т еди́ными усты́ и еди́ным се́рдцем: Аллилу́иа.

### **И́кос 9**

Ветийство́ челове́ческое не довлéет, свя́те Фео́доре, к восхвалéнию все́х предивныхъ трудо́в и побéд твои́х, наипа́че же му́жества, с ко́им претерпева́л еси́ вся́ скорби́ и лишéния, клевету́ и зависть, от вра́г твои́х исходя́щия. Те́мже, велича́юще вся́ по́двиги, терпе́ние и трудо́в тво́я, прославля́ем тя́ си́це:

Ра́дуйся, ду́шу твою́ крѳтко Го́сподеви  
вручи́вый; ра́дуйся, и́скренних свои́х  
христиа́нскому терпе́нию научи́вый.

Ра́дуйся, ра́дости духо́вныя боголю́бвым  
душа́м пода́телю; ра́дуйся, но́вый на́ш пред  
Бо́гом моли́твенниче и предста́телю.

Ра́дуйся, я́ко твоими моли́твами Го́сподь  
оставля́ет на́м прегреше́ния; ра́дуйся, помога́яй  
на́м претерпева́ти ско́рби и поноше́ния.

Ра́дуйся, не своея́ сла́вы, но Бо́жия  
непреста́нно иска́вый; ра́дуйся, вене́ц  
пра́ведничь от Царя́ Небе́снаго восприе́мый.

Ра́дуйся, миротво́рцев и правдолю́бцев  
любеобильный наста́вниче; ра́дуйся, Бо́жия  
пра́вды предивный пропове́дниче.

Ра́дуйся, живота́ своего́ за бли́жня своя́  
николи́же щади́вый; ра́дуйся, ду́шу свою́ за  
дру́ги своя́ положи́вый.

Ра́дуйся, святы́й пра́ведный Феодо́ре,  
сла́вный в добродете́лех во́ине Христо́в.

### **Конда́к 10**

Спастися́ хотя́щим приме́р благо́й жити́е твоѳ  
бы́сть, пра́ведне Феодо́ре, имже́ вся́ ны́  
науча́еши иска́ти еди́наго на потре́бу, е́же е́сть

богоугождѣние. Помози́ убо и нам в сем тебе подражати, вдохни в нас мужество душевное, украси нас добродетельми небесными, да с тобою возможем сонаследники Царствия Небеснаго быти и воспевати Создателю нашему: Аллилуиа.

### Икос 10

Стена ограждения в Церкви Православней явился еси, славне Феодоре, защищаеши бо люди верныя от враг видимых и невидимых; не сокрыт же бысть и светильник добродетелей твоих, да светом, от него исходящим, прославляеши Отца Небеснаго. Мы же, чтущии память твою, со умилением взирающе на образ твой святой, с радостию зовем:

Радуйся, лжи и коварства нелицемерный обличителю; радуйся, веры православныя неустанный насадителю.

Радуйся, житием твоим Ангелы возвеселивый; радуйся, праведностию твоєю духи тьмы посрамивый.

Радуйся, бедствующим добрый предстателю; радуйся, за обидимых и унижаемых присный ходатаю.

Ра́дуйся, крото́сть Христо́ву в се́рдце твое́  
восприе́мый; ра́дуйся, смире́нию Его́  
притека́ющия к тебе́ навча́ый.

Ра́дуйся, заблуждших наста́вниче и  
скорбя́щих утеше́телю; ра́дуйся, прося́щим  
по́мощи твоея́ ско́рый пода́телю.

Ра́дуйся, я́ко и по преста́влении твоём  
ми́лости твори́ти не престае́ши; ра́дуйся, я́ко  
моля́щимся у гроба́ твоего́ ско́рую по́мощь  
подае́ши.

Ра́дуйся, святы́й пра́ведный Феодо́ре,  
сла́вный в добродете́лех во́ине Христо́в.

### **Конда́к 11**

Пе́ние всеумиле́нное Триеди́ному Бо́гу прине́сл  
еси́, блаже́нне Феодо́ре, в Санаксáрской оби́тели,  
иде́же от рáтных по́двигов почи́вая, в моли́тве  
пла́менной душе́ю свое́ю ко Го́споду всеце́ло  
устремил́ся еси́. Те́мже сподо́би тя Го́сподь  
причастит́ся Святы́х Свои́х Та́ин пред сла́вною  
кончи́ною твое́ю. Ны́не же, предстоя́ у Престо́ла  
Царя́ Сла́вы, моли́ся, да и мы́ ду́ши своя́  
Нетле́нному Жениху́ Христу́ чи́стыя принесём со  
А́нгельским пе́нием: Аллилу́иа.

## И́кос 11

Светоза́рное свети́ло, на небе́ церковнем  
возсия́вшее, зрím тя, пра́ведне во́ине Феодо́ре,  
зане́ и ны́не свети́ши на́м зна́мении и чуде́сы, от  
святы́х мо́щей твои́х истека́ющими. Те́мже,  
благодáрственная Бо́гу принося́ще о тебе́ пéния,  
взыва́ем ти́ си́це:

Ра́дуйся, во Иису́се Сладча́йшем еди́ное  
утеше́ние обрета́яй; ра́дуйся, к бе́дствующим на  
по́мощь стопы́ твоя́ ускоря́яй.

Ра́дуйся, окаменéннаго нечу́вствия серде́ц  
на́ших целите́лю; ра́дуйся, во отча́янии су́щим  
благия́ наде́жды пода́телю.

Ра́дуйся, я́ко тобо́ю ве́рнии и́стиною  
Христо́вою просвеща́ются; ра́дуйся, я́ко тобо́ю  
покая́вшиися от посты́дныя сме́рти  
избавля́ются.

Ра́дуйся, чуде́сная исцелéния от святы́х  
мо́щей твои́х обильно́ источа́яй; ра́дуйся,  
николи́же во отча́яние впа́дати на́с науча́яй.

Ра́дуйся, пра́ведною кончи́ною твоёю  
пра́ведность жития́ твоего́ запечатле́вый;  
ра́дуйся, в райских оби́телех Творца́ и Спаси́теля  
с ра́достью узре́вый.

Ра́дуйся, я́ко тобо́ю и доны́не ве́рнии от вра́г избавля́ются; ра́дуйся, я́ко тобо́ю оби́тель Сана́ксарская торжеству́ет и прославля́ется.

Ра́дуйся, святы́й пра́ведный Фео́доре, сла́вный в добродете́лех во́ине Христо́в.

### **Конда́к 12**

Благода́ти и ми́лости испроси́ нам у Христа́, Созда́теля и Влады́ки на́шего, пресла́вне Фео́доре, мно́го бо мо́жет моли́тва пра́ведника пред ли́цем Его́. Мы́ же ду́шами на́шими умиля́емся, я́ко яви́ нам Госпо́дь во утеше́ние святы́я мо́щи твоя́, вопи́ющим Ему́: Аллилу́иа.

### **И́кос 12**

Пою́ще неисче́тныя по́двиги предивна́го жити́я твоего́, вели́кий во́ине и флотово́дче Фео́доре, хва́лим и ублажа́ем тя́ я́ко небесна́го покрови́теля на́шего. Ты́ же да́нною ти́ свы́ше благода́тию пода́дзь нам полéзная ко спасе́нию ду́ш на́ших, да при́сно тя́ велича́ем:

Ра́дуйся, святче Бо́жий, свято́ и пра́ведно жи́знь земну́ю сверши́вый; ра́дуйся, во благоуха́нии святы́ни сно́м блаже́нным опочи́вый.

Ра́дуйся, вели́кий фло́товодче, Бо́гом на укрепле́ние на́м дарова́нный; ра́дуйся, венце́м безсме́ртныя жи́зни от Го́спода увенча́нный.

Ра́дуйся, пресвѣ́тлое лице́ Созда́теля всегда́ созерца́яй; ра́дуйся, Пресвяте́й Трои́це пе́снь немол́чно возглаша́яй.

Ра́дуйся, Го́спода ходата́йством твои́м умило́стивля́яй; ра́дуйся, Це́рковь Ру́сскую покрови́тельством твои́м защища́яй.

Ра́дуйся, я́ко и́мя твоё́ со святы́ми просла́вляется; ра́дуйся, я́ко моли́твами твои́ми гра́ды и ве́си на́ши утвержда́ются.

Ра́дуйся, Престо́лу Царя́ Небе́снаго во сла́ве предсто́яй; ра́дуйся, о́ всех ве́рных лю́дех Го́споду моли́твы возно́сяй.

Ра́дуйся, святы́й пра́ведный Феодо́ре, сла́вный в добродете́лех во́ине Христо́в.

### **Конда́к 13**

Опресла́вный во́ине и му́жественный фло́товодче Феодо́ре, приими́ от на́с си́е ма́лое похва́льное пе́ние, е́же пред ико́ною твоёю [или́: святы́ми мощьми́ твои́ми] ны́не воспева́ем, и моли́твами твои́ми испроси́ на́м у Христа́ Бо́га изба́виться от бе́д, скорбе́й и напа́стей, наипа́че

же от внезапныя смерти и вечныя муки, буди нам путевождь во блаженныя обители Небесныя, да тамо с тобою воспоем Богу: Аллилуиа.

### **Молитва**

О, преславный и достохвальный воине, флотоводче Феодоре, небесный наш заступниче и крепкий защитниче! Днесь, память твою почитающе, смиренно молим тя: вознеси о нас ко Господу Богу теплыя твоя молитвы и испроси у Него оставление всех согрешений наших, имиже преогорчеваем Его. Умоли Господа даровати нам ко Отечеству нашему любовь нелицемерную, мир и благоденствие Церкви нашей Православней, всем же нам телесное здравие и душевное спасение, христианскую кончину живота нашего и добрый ответ на Страшнем Суде Его. Ей, святче Божий, не посрами упования нашего, еже на тя по Бозе и Богородице возлагаем, да, твоими молитвами получивше благодать и милость от Господа, прославим человеколюбие Отца и Сына и Святаго Духа, и твоё святое заступление, ныне и присно, и во веки веков. Аминь.